

2.k Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice daje saglasnost da Ministarstvo privrede i Komisija mogu obrađivati dokumente kojima se dokazuje lični identitet ovlaštenog lica u skladu sa važećim propisom kojim se reguliše zaštita ličnih podataka i

2.1 Drugi dokumenti ako su propisani Javnim pozivom.

X. UGOVOR O REALIZACIJI ODOBRENIH SREDSTAVA

Nakon donošenja odluke o odabiru korisnika sredstava, Ministarstvo privrede sa odabranim korisnicima sredstava zaključuje pojedinačne ugovore o realizaciji odobrenih sredstava. Ugovor obavezno sadrži: predmet ugovora, iznos odobrenih sredstava, namjenu i uslove dodjele odobrenih sredstava, rokove utroška sredstava, način i rokove izvještavanja o utrošku sredstava, nadzor nad utroškom sredstava, sankcije u slučaju nepoštivanja ugovora, kao i druge neophodne elemente ugovora po ocjeni Ministarstva privrede u cilju uspostavljanja jasnog obligacionog odnosa ugovornih strana. Obavezni sastavni dio ugovora je "Obrazac narativnog i finansijskog izvještaja".

Broj 02-04-50372-1.1/23
28. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo na Trećoj vanrednoj sjednici, održanoj 30.11.2023. godine, donijela je

ODLUKU O DAVANJU SAGLASNOSTI NA KOLEKTIVNI UGOVOR ZA DRŽAVNE SLUŽBENIKE I NAMJEŠTENIKE U ORGANIMA DRŽAVNE SLUŽBE KANTONA SARAJEVO

I

Vlada Kantona Sarajevo daje saglasnost na tekst Kolektivnog ugovora za državne službenike i namještenike u organima državne službe Kantona Sarajevo.

II

Ovlašćuje se premijer Kantona Sarajevo da, u ime Vlade Kantona Sarajevo, potpiše Kolektivni ugovor iz tačke I ove odluke.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-50610-1/23
30. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 34. Uredbe sa zakonskom snagom o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na Prvoj vanrednoj sjednici održanoj 16.11.2023. godine, donijela je

RJEŠENJE O RAZRJEŠENJU VRŠIOCA DUŽNOSTI PREDSJEDNIKA NADZORNOG ODBORA KANTONALNE JAVNE USTANOVE DOM ZA DJECU BEZ RODITELJSKOG STARANJA

I

Razrješava se vršilac dužnosti predsjednika Nadzornog odbora Kantonalne javne ustanove Dom za djecu bez roditeljskog staranja, Lejla Hodžić, zbog isteka perioda na koji je imenovana.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-49354-12.1/23
16. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. Uredbe sa zakonskom snagom o ustanovama ("Službeni list RBiH", broj 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na Prvoj vanrednoj sjednici održanoj 16.11.2023. godine, donijela je

RJEŠENJE O IMENOVANJU VRŠIOCA DUŽNOSTI PREDSJEDNIKA NADZORNOG ODBORA KANTONALNE JAVNE USTANOVE DOM ZA DJECU BEZ RODITELJSKOG STARANJA

I

Imenuje se Enes Šabić za vršioca dužnosti predsjednika Nadzornog odbora Kantonalne javne ustanove Dom za djecu bez roditeljskog staranja, na period do imenovanja Nadzornog odbora putem oglasa za imenovanje predsjednika i članova Nadzornog odbora, a najduže do tri (3) mjeseca.

II

Ovo rješenje stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-49354-12.2/23
16. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. stav (2) Uredbe sa zakonskom snagom o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na Prvoj vanrednoj sjednici održanoj 16.11.2023. godine, donijela je